



ՄԱՅՐ ԱԹՈՌՈՒՄ

ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՑ

ԼՈՐԴ ՌԱՍԵԼ ԶՈՆՍԹՈՆԻՆ

ԵՎ

ԶԱՐԳԱՑՄԱՆ ՈՒ ՎԵՐԱԿԱՌՈՒՑՄԱՆ ԵՎՐՈՊԱԿԱՆ ԲԱՆԿԻ

ՂԵԿԱՎԱՐՆԵՐԻՆ

Սեպտեմբերի 11-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Եվրոպայի խորհրդի խորհրդարանական վեհաժողովի նախագահ, լորդ Ռասել Զոնսթոնին:

Հանդիպման ընթացքում խոսվեց քրիստոնյա Եկեղեցիների միջև Էկումենիկ հարաբերությունների զարգացման, ինչպես նաև խղճի ազատության ու աղանդավորության հարցերի շուրջ:

«Այսօր դավանաբանական և աստվածաբանական պարբերությունները չեն խանգարում եղբայրական կապերի զարգացմանը», - ասաց Վեհափառ Հայրապետը:

Միաժամանակ Հայոց Հայրապետը մտահոգություն հայտնեց վերջին տարիներին Հայաստան ներթափանցած զանազան աղանդների ու կրոնական կազմակերպությունների գործունեության առնչությամբ, որոնք, ընտրելով քարոզչության դապրապարելի ձևեր, խաթարում են ժողովրդի միասնականությունը և թշնամություն սերմանում միմյանց միջև:

Պրն Զոնսթոնը նշեց, որ Եվրախորհուրդը, կողմնակից լինելով բազմակարծությանն ու ազատությանը, պարասխանաբարությամբ է վերաբերվում խղճի ազատության խնդիրներին:

«Մեր խնդիրը չէ պաշտպանել կամ դադարապարել աղանդավորությունը: Մենք ձգտում ենք պաշտպանել մարդու կրոնական իրավունքները», - ասաց պարոն Զոնսթոնը՝ միաժամանակ նշելով, որ աղանդավորության տարածման առնչությամբ մտահոգության աճ է նկատվում նաև Արևմտյան Եվրոպայում:

Ինչ վերաբերում է աղանդավորության հնչեցրած ահազանգերին, պրն Զոնսթոնը հայտնեց, որ ամ այսօր Հայաստանից Եվրախորհրդի խորհրդարանական վեհաժողով նման հարցով չեն դիմել:

Նույն օրը Ամենայն Հայոց Հայրապետն ընդունեց նաև Զարգացման և վերակառուցման եվրոպական բանկի գործադիր տնօրենների խորհրդի անդամներին:

Վեհափառ Հայրապետը բարձր գնահատեց բանկի ներդրումը Հայաստանի տնտեսության զարգացման գործում: Զրույցի ընթացքում Նորին Սրբությունը հյուրերին ներկայացրեց նաև Մայր Աթոռ Ս. Էջմիածնում գործող Էկումենիկ գրասենյակների գործունեությունը, որ ներառում է փոքր բիզնեսի զարգացման մի շարք ծրագրեր:

Հանդիպման ավարտին Վեհափառ Հայրապետը, ի պատասխան հյուրերի հարցումների, անդրադարձավ Հայաստանի կրոնական կյանքին, հայ ժողովրդի կյանքում Եկեղեցու դերին՝ նշելով, որ առանց հոգևոր-բարոյական արժեքների հաստատման հնարավոր չէ արձանագրել որևէ հաջողություն սոցիալ-տնտեսական զարգացման ասպարեզում:

ԱՄԵՆԱՅՆ ՀԱՅՈՑ ՀԱՅՐԱՊԵՏՆ ԸՆԴՈՒՆԵՑ ԱՏՈՒՄՆԱԿԱՆ ԴԱՇՆԱԳՐԻ ԱՍՈՑԻԱԿԻԱՅԻ ՆԵՐԿԱՅԱՑՈՒՑԻՉՆԵՐԻՆ

Սեպտեմբերի 12-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց ՆԱՏՕ-ի շրջանակներում գործող Արլանդյան դաշնագրի ասոցիացիայի պատվիրակությանը՝ նախագահ Ալան Ուիլյամսի գլխավորությամբ:

Պատվիրակության առաքելությունը Հայաստան ճանաչողական է: Ինչպես Նորին Սրբությանը տեղեկացրեց Արլանդյան ասոցիացիայի Հայաստանի գործադիր տնօրեն Թեան Պողոսյանը, հայկական կազմակերպությունն Արլանդյան դաշնագրին ներկայացրել է անդամագրվելու հայտ, որ կքննարկվի առաջիկա երկու տարիներին, ասոցիացիայի 47-րդ վեհաժողովում:

Ողջունելով հյուրերին, Նորին Սրբությունը բարձր գնահատեց ասոցիացիայի առաքելությունը՝ նշելով, որ նոր 1000-ամյակի առաջադրած բազմաթիվ խնդրներն ու դժվարություններն իրենց լուծումը կարող են ստանալ միայն համագործակցությամբ և փոխըմբռնմամբ: Այս տեսանկյունից կարևորվեց Եկեղեցու դերը ժողովուրդների միջև սիրո, եղբայրության և խաղաղության հաստատման գործում:

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ԵՎՐՈՊԱԿԱՆ ՏՆՏԵՍԱԿԱՆ ՀԱՄԱԳՈՐԾԱԿՑՈՒԹՅԱՆ ԽՈՐՀՐԴԻ ԵՎ ԵՆՏ ՀԱՅԱՍՏԱՆՅԱՆ ԿԼՈՐ ՄԵՂԱՆԻ ՆԻՍՏԵՐԻ ՄԱՍՆԱԿԻՑՆԵՐԻՆ, ԻՆՉՂԵՍ ՆԱԵՎ ԿԵՆՍԱԺԵՄԻԱՅԻ ՀԱՅԱՍՏԱՆՅԱՆ ՄԻՋԱԶԳԱՅԻՆ ԳԻՏԱԺՈՂՈՎԻ ՄԱՍՆԱԿԻՑՆԵՐԻՆ

Սեպտեմբերի 14-ին Ն.Ս.Օ.Տ.Տ. Գարեգին Բ. Ամենայն Հայոց Կաթողիկոսն ընդունեց Եկեղեցիների Համաշխարհային Խորհրդի (ԵՆՏ) շրջանակներում գործող Եվ-

րոպական փնտեսական համագործակցության խորհրդի և ԵՆՏ Հայաստանյան Կլոր Սեղանի փարեկան ժողովների մասնակիցներին:

Ողջունելով հյուրերին, Վեհափառ Հայրապետը նկատեց, որ Եվրոպական փնտեսական համագործակցության խորհրդի փարեկան այդ հավաքը Հայաստանում կարևոր իրադարձություն է 1700-ամյակի փոնախմբությունների շրջանակներում: Արտահայտելով իր գնահատանքը ԵՆՏ-ին և Հայաստանյան Կլոր Սեղանին, Գարեգին Բ Վեհափառ Հայրապետը նշեց, որ ԵՆՏ-ի գործունեությունը մեծապես նպաստում է աշխարհում բուռնության և բիրտ ուժի վերացմանը՝ մարդկանց հոգիներում սերմանելով սեր և բարություն:

Եվրոպական փնտեսական համագործակցության խորհրդի հերթական փարեկան ժողովը գումարվել էր Ծաղկածորում, սեպտեմբերի 11-13-ը: Ժողովականները նստաշրջանի ընթացքում քննարկեցին քրիստոնյա Եկեղեցիների և եկեղեցական կազմակերպությունների ու նրանց դոմորների փոխշահավետ համագործակցության ոլորտները, դրանց արդյունքները և հետագա անելիքները: Ժողովականները ներկայացնում էին Ռուսաստանում, Ռումինիայում, Դանիայում, Մեծ Բրիտանիայում, Նորվեգիայում, Բելառուսում, Վրաստանում, Ֆինլանդիայում, Գերմանիայում, Նիդերլանդներում գործող Եկեղեցիներն ու եկեղեցական կազմակերպությունները, ինչպես նաև փարբեր երկրներում գործող ԵՆՏ ներկայացուցչությունները:

Եվրոպական փնտեսական համագործակցության խորհրդի նիստերը սովորաբար հրավիրվում են փարբեր երկրներում: Այս փարվա հավաքը հրավիրվեց Հայաստանում՝ ի նշանակություն Հայաստանում քրիստոնեությունը պետական կրոն հռչակելու 1700-ամյա հոբելյանի:

Ծաղկածորում փնդի ունեցած նստաշրջանին հաջորդեց ԵՆՏ Հայաստանյան Կլոր Սեղանի մեկօրյա նիստը Մայր Աթոռում, սեպտեմբերի 14-ին: Իր գործունեության ավելի քան չորս փարիների ընթացքում ԵՆՏ հայաստանյան ներկայացուցչություն իրականացրել է գյուղատնտեսական, կրթական, եկեղեցաշինական, սոցիալական և վարկային ծրագրեր՝ նպաստելով գործարարության և ձեռներեցության զարգացմանը Հայաստանում: Ի լրումն մինչև այժմ իրականացված բազմաթիվ ծրագրերի, Կլոր Սեղանն այս փարի իրականացրել է միջազգային հաշվապահական հաշվառման մեթոդների ուսուցման դասընթացներ, փարբեր շրջաններում և թեմերում հիմնել համակարգչային կենտրոններ: Հայաստանյան Կլոր Սեղանի ծրագրերի շրջանակներում նախատեսված է Սյունյաց թեմում՝ Եղեգնածորում կառուցել հիդրոէլեկտրակայան, որի շահագործումից ստացված եկամուտը կփորձառորդվի փնդի սոցիալական ծառայությունների և ուսուցիչների վերապատրաստման կենտրոններին:

Նույն օրը Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց նաև աշխարհի փարբեր երկրներից Հայաստան ժամանած ճանաչված գիտնականների՝ ՀՀ ԳԱԱ կենսաբժիմայի ինստիտուտի փնթոն Արմեն Գալոյանի ուղեկցությամբ:

Մեծահամբավ գիտնականներն առաջիկա օրերին մասնակցելու են Ծաղկաձորում կայանալիք իմունային համակարգի մոլեկուլյար հարցերին նվիրված միջազգային գիտաժողովին:

«Հայաստանում քրիստոնեությունը պետական կրոն հռչակելու 1700-ամյակին նվիրված տոնախմբությունների օրերին կայանալիք գիտաժողովն ընկալում ենք արժեքավոր ներդրում մեր մեծ հորելյանին», - ասաց Վեհափառ Հայրապետը՝ մաղթելով, որ գիտական միտքն ու մարդու բանականությունը նպաստի միայն մարդկության բարօրությանը:

ԳԱՐԵԳԻՆ Բ ԿԱԹՈՂԻԿՈՍ ԿԱՆՔԻՊՈԼԻՏԵՐԸ ԱՐԳԵՆՏԻՆԱՅԻ ՓՈԽԱՐՏԳՈՐԾՆԱԽԱՐԱՐ ՆՈՐԲԵՐՏՈ ՊԱՂԻԺԱՅԻ ԵՎ ԿԻՂՈՍԻ ՊԱՇՏՊԱՆՈՒԹՅԱՆ ՆԱԽԱՐԱՐ ՍՈԿՐԱՏԵՍ ՀԱՄԻԿՈՍԻ ՀԵՏ

Սեպտեմբերի 20-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Արգենտինայի փոխարքագործնախարար, պաշտամունքի քարտուղար Նորբերտո Պաղիժային:

Նորին Սրբությունն իր ուրախությունը հայտնեց Հայաստանում քրիստոնեությունը պետական կրոն հռչակելու 1700-ամյակի գլխավոր տոնակատարությունների նախօրեին Մայր Աթոռ Ս. Էջմիածին նման բարձրաստիճան հյուրի այցելության առիթով:

Պրն Պաղիժան նշեց, որ Հայ Եկեղեցու 1700-ամյա հորելյանը կարևոր իրադարձություն է նկատվում նաև հեռավոր Արգենտինայում, ուր հայ ժողովրդի այս մեծ տոնը նշվելու է երկրի Սենատում, նախագահի նստավայրում: 1700-ամյակի մասին են ազդարարում նաև Արգենտինայում հրապարակված հորելյանական հատուկ բացիկները:

Նույն օրը Գարեգին Բ Ամենայն Հայոց Կաթողիկոսն ընդունեց Կիպրոսի պաշտպանության նախարար Սոկրատես Հասիկոսին:

Հանդիպման ընթացքում գոհունակությամբ նշվեց հայ-կիպրական օրավոր զարգացող կապերի մասին, որոնք իրենց բարի պրոտոններն են տալիս երկու երկրների զորացմանը: